

ხობის მუნიციპალიტეტის მეოთხე მოწვევის საკრებულოს ბიუროს სხდომისა

ქ. ხობი

2018 წლის 30 მაისი

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 10

ბიუროს სხდომას ესწრებოდნენ ბიუროს წევრები:

1. ედიშერი ჯობავა
2. მამუკა ქარდავა
3. ვლადიმერ ქანთარია
4. დავით ბერაია
5. ტარიელ ალექსანდრია
6. დოდო გაბუნია
7. კახა ლატარია
8. ბექა მამაცაშვილი
9. მერაბ ფილიპია

ბიუროს სხდომას თავმჯდომარეობდა ედიშერი ჯობავა – საკრებულოს თავმჯდომარე

დღის წესრიგი:

1. ხობის მუნიციპალიტეტის მერის გ. ქაჯაიას 2018 წლის 8 მაისის N04/2159 წერილის განხილვა („ხობის მუნიციპალიტეტის 2018 წლის ადგილობრივი ბიუჯეტის იანვარ - მარტის შესრულების შედეგების შესახებ“ ანგარიშის მოსმენის თაობაზე);
(მომზადებელი: ტ. ალექსანდრია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე);
2. ხობის მუნიციპალიტეტის მერის გ. ქაჯაიას 2018 წლის 17 მაისის N05/2315 წერილის განხილვა:
 - „ხობის მუნიციპალიტეტის ტერიტორიაზე გარე ვაჭრობის რეგულირებისა და გარე ვაჭრობის უფლების საფასურის დადგენის წესის დამტკიცების შესახებ“ დადგენილების პროექტის თაობაზე;
 - „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული ქონების სარგებლობის (უზუფრუქტის) უფლებით გადაცემაზე თანხმობის მიცემის შესახებ“ განკარგულების პროექტის თაობაზე;

- „ხობის მუნიციპალიტეტის მერისთვის მუნიციპალიტეტის საკუთრებაში არსებული ძირითადი ქონების სარგებლობის უფლებით გადაცემაზე თანხმობის მიცემის „შესახებ“ განკარგულების პროექტის თაობაზე;

(მომხსენებლები: ვ. ქანთარია - ხობის მუნიციპალიტეტის საკურებულოს ქონების მართვისა და ინფრასტრუქტურის კომისიის თავმჯდომარე;

დ. ბერაია - ხობის მუნიციპალიტეტის საკურებულოს იურიდიულ საკითხთა კომისიის თავმჯდომარე);

- ხობის მუნიციპალიტეტის მერის გ. ქაჯაიას 2018 წლის 21 მაისის N04/2362 წერილის განხილვა („ხობის მუნიციპალიტეტის 2018 წლის ადგილობრივი ბიუჯეტის დამტკიცების „შესახებ“ ხობის მუნიციპალიტეტის საკურებულოს 2017 წლის 26 დეკემბრის №67 დადგენილებაში ცვლილების შეტანის თაობაზე“ დადგენილების პროექტის „შესახებ“);

(მომხსენებელი: ტ. ალექსანდრია - ხობის მუნიციპალიტეტის საკურებულოს საფინანსო
- საბიუჯეტო კომისიის თავმჯდომარე);

- ხობის მუნიციპალიტეტის საკურებულოს საპროცედურო საკითხთა კომისიის თავმჯდომარის თ. გელანტიას 2018 წლის 21 მაისის N52/01 განცხადების განხილვა („ხობის მუნიციპალიტეტის საკურებულოს ქონების მართვისა და ინფრასტრუქტურის კომისიის შემადგენლობის დამტკიცების „შესახებ“ ხობის მუნიციპალიტეტის საკურებულოს 2017 წლის 18 დეკემბრის N78 განკარგულებაში ცვლილების შეტანის თაობაზე“ განკარგულების პროექტის „შესახებ“);

(მომხსენებელი: თ. გელანტია - ხობის მუნიციპალიტეტის საკურებულოს
საპროცედურო საკითხთა კომისიის თავმჯდომარე);

- ხობის მუნიციპალიტეტის საკურებულოს საფინანსო - საბიუჯეტო კომისიის თავმჯდომარის ტ. ალექსანდრიას 2018 წლის 23 მაისის N53/01 განცხადების განხილვა („საწვავისა და სატელეფონო მომსახურების ხარჯების ლიმიტის განსაზღვრის „შესახებ“ ხობის მუნიციპალიტეტის საკურებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“ განკარგულების პროექტის „შესახებ“);

(მომხსენებელი: ტ. ალექსანდრია - ხობის მუნიციპალიტეტის საკურებულოს საფინანსო
- საბიუჯეტო კომისიის თავმჯდომარე);

- ხობის მუნიციპალიტეტის მერის გ. ქაჯაიას 2018 წლის 28 მაისის N03/2472 წერილის განხილვა:

- „ხობის მუნიციპალიტეტის გერბის და დროშის დამტკიცების „შესახებ“ ხობის მუნიციპალიტეტის საკურებულოს 2010 წლის 20 დეკემბრის №17 დადგენილებაში ცვლილების შეტანის თაობაზე“ დადგენილების პროექტის „შესახებ“;

- „ქალაქ ხობში სასაფლაოების მოწყობისა და მოვლა-პატრონობის წესის დამტკიცების შესახებ“ ხობის მუნიციპალიტეტის საკრებულოს 2015 წლის 29 ივნისის №21 დადგენილებაში ცვლილების შეტანის თაობაზე“ დადგენილების პროექტის შესახებ;
- „ხობის მუნიციპალიტეტში უმწეოთა სასადილოში ბენეფიციარების შერჩევის წესის დამტკიცების შესახებ“ ხობის მუნიციპალიტეტის საკრებულოს 2015 წლის 25 თებერვლის №10 დადგენილებაში ცვლილების შეტანის თაობაზე“ დადგენილების პროექტის შესახებ;

(მომხსენებელი: დ. ბერაია - ხობის მუნიციპალიტეტის საკრებულოს იურიდიულ
საკითხთა კომისიის თავმჯდომარე);

7. ხობის მუნიციპალიტეტის მერის გ. ქაჯაიას 2018 წლის 29 მაისის N09/2487 წერილის განხილვა („ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2018 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის N82 განკარგულებაში ცვლილების შეტანის შესახებ“ განკარგულების პროექტის თაობაზე).

(მომხსენებელი: დ. გაბუნია - ხობის მუნიციპალიტეტის საკრებულოს განათლების,
კულტურისა და სოციალურ საკითხთა კომისიის თავმჯდომარე).

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 9, წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებულ საკითხის განხილვა

1. ხობის მუნიციპალიტეტის მერის გ. ქაჯაიას 2018 წლის 8 მაისის N04/2159 წერილის განხილვა („ხობის მუნიციპალიტეტის 2018 წლის ადგილობრივი ბიუჯეტის იანვარ - მარტის შესრულების შედეგების შესახებ“ ანგარიშის მოსმენის თაობაზე);

(მომხსენებელი: ტ. ალექსანდრია - ხობის მუნიციპალიტეტის საკრებულოს საფინანსო
- საბიუჯეტო კომისიის თავმჯდომარე);

მოისმინეს: ტ. ალექსანდრია - მომხსენებელმა ბიუროს წევრებს გააცნო ანგარიში („ხობის მუნიციპალიტეტის 2018 წლის ადგილობრივი ბიუჯეტის იანვარ - მარტის შესრულების შედეგების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიამ წარმოადგინა 2018 წლის ადგილობრივი ბიუჯეტის იანვარ-მარტის თვის შესრულების ანგარიში, სადაც აღნიშნულია, რომ 2018 წლის იანვარ-მარტის თვის პერიოდში მომხდარი

ცვლილებების გათვალისწინებით მუნიციპალიტეტის 2018 წლის ადგილობრივი ბიუჯეტის დაზუსტებულმა გეგმამ შეადგინა საშემოსავლო ნაწილში 10669,9 ათასი ლარი, ხოლო საგასავლო ნაწილში 12262,3 ათასი ლარი. შემოსულობებიდან 4333,0 ათასი ლარი სახელმწიფო ბიუჯეტიდან გამოყოფილი გრანტებია, ინფრასტრუქტურის განვითარებისა და დელეგირებული უფლებამოსილების განსახორციელებლად. 2018 წლის იანვარ-მარტის თვის ბიუჯეტის შესრულების შედეგებით შემოსულობების გეგმა შესრულებულია 5,58 %-ით (წლური გეგმა 10669,9 ათასი ლარი - შესრულება 915,3 ათასი ლარი), საგადასახადო შემოსავლები გეგმიური წლიური 5800,0 ათასი ლარიდან შემოსულია 269,1 ათასი ლარი - 5530,9 ათასი ლარით ნაკლები. გრანტები სახელმწიფო ბიუჯეტიდან იანვარ-მარტის განმავლობაში მიღებულია 502,5 ათასი ლარი, აქედან დელეგირებული უფლებამოსილების განსახორციელებლად 52,5 ათასი ლარი, გათანაბრებითი ტრანსფერი 450,0 ათასი ლარი. სხვა შემოსავლები 2018 წლის იანვარ - მარტის თვის პერიოდში, წლიური ბიუჯეტით გათვალისწინებული 446,9 ათასი ლარიდან ბიუჯეტში შემოსულია 112,4 ათასი ლარი - 334,5 ათასი ლარით ნაკლები. მათ შორის მოსაკრებელი ბუნებრივი რესურსებით სარგებლობისათვის წლიური გეგმიური 110,0 ათასი ლარიდან შემოსულია 26,6 ათასი ლარი - 83,4 ათასი ლარით ნაკლები. მიწის იჯარიდან მოსაკრებელი წლიური 50,0 ათასი ლარიდან შემოსულია 18,5 ათასი ლარი 31,5 ათასი ლარით ნაკლები. სანებართვო მოსაკრებელი წლიური გეგმით 9,1 ათასი ლარიდან შემოსულია 10,9 ათასი ლარი - 1,8 ათასი ლარით მეტი. შემოსავალი ჯარიმებიდან და სანქციებიდან წლიური გეგმიური 140,0 ათასი ლარიდან შემოსულია 37,8 ათასი ლარი, მოსაკრებელი ტერიტორიის დასუფთავებისათვის წლიური გეგმიური 31,0 ათასი ლარიდან შემოსულია 1,5 ათასი ლარი, შემოსავლები მომსახურების გაწევიდან წლიური გეგმიური 36,8 ათასი ლარიდან შემოსულია 10,8 ათასი ლარი. შემოსულობები არაფინანსური აქტივების კლებიდან წლიური გეგმიური 90,0 ათასი ლარიდან შემოსულია 21,3 ათასი ლარი - სახელმწიფო საკუთრებაში არსებული არასასოფლო სამეურნეო მიწის გაყიდვიდან. 2018 წლის წლიური ბიუჯეტის საგასავლო ნაწილი მიმდინარე იანვარ-მარტის პერიოდში ათვისებულია 12,66% (წლიური გეგმა 12262,3 ათასი ლარი ფაქტიური შესრულება 1551,9 ათასი ლარი) რაც მოდის შემდეგ ღონისძიებებზე: წარმომადგენლობითი და აღმასრულებელი ორგანოების ხარჯი წლიური გეგმით გათვალისწინებული 3127,7 ათასი ლარიდან ათვისებულია 641,6 ათასი ლარი. გამომსვლელის განცხადებით, კომისიის მიერ განხილულ იქნა ბიუჯეტის სამი თვის შესრულების ანგარიში და შესრულების შედეგებს აფასებს დამაკმაყოფილებლად.

სხდომის თავმჯდომარემ მიმართა ბიუროს წევრებს, წარმოდგენილ ანგარიშთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

დაადგინეს: წარმოდგენილი ანგარიში ცნობად იქნეს მიღებული

2. ხობის მუნიციპალიტეტის მერის გ. ქაჯაის 2018 წლის 17 მაისის N05/2315 წერილის განხილვა:

- „ხობის მუნიციპალიტეტის ტერიტორიაზე გარე ვაჭრობის რეგულირებისა და გარე ვაჭრობის უფლების საფასურის დადგენის წესის დამტკიცების შესახებ“ დადგენილების პროექტის თაობაზე;
- „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული ქონების სარგებლობის (უზუფრუქტის) უფლებით გადაცემაზე თანხმობის მიცემის შესახებ“ განკარგულების პროექტის თაობაზე;
- „ხობის მუნიციპალიტეტის მერისთვის მუნიციპალიტეტის საკუთრებაში არსებული ძირითადი ქონების სარგებლობის უფლებით გადაცემაზე თანხმობის მიცემის შესახებ“ განკარგულების პროექტის თაობაზე“;

(მომხსენებლები: ვ. ქანთარია - ხობის მუნიციპალიტეტის საკურებულოს ქონების მართვისა და ინფრასტრუქტურის კომისიის თავმჯდომარე;
დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე);

მოისმინეს: დ. ბერაია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის ტერიტორიაზე გარე ვაჭრობის რეგულირებისა და გარე ვაჭრობის უფლების საფასურის დადგენის წესის დამტკიცების შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის მიერ მომზადდა დადგენილების პროექტი „ხობის მუნიციპალიტეტის ტერიტორიაზე გარე ვაჭრობის რეგულირებისა და გარე ვაჭრობის უფლების საფასურის დადგენის წესის დამტკიცების შესახებ“, რომლითაც მუნიციპალიტეტის ტერიტორიაზე რეგულირდება გარე ვაჭრობა და დგინდება გარე ვაჭრობის უფლების საფასური. გამომსვლელის განცხადებით, კომისიის მიერ განხილულ იქნა წარმოდგენილი დადგენილების პროექტი, რომელშიც შეტანილ იქნა გარკვეული სტილისტური შესწორებები, რომელიც შინაარსობრივ ცვლილებებს არ იწვევს დადგენილების პროექტში. სხვა მხრივ კომისიას მიაჩნია, რომ პროექტი მომზადებულია კანონის მოთხოვნათა გათვალისწინებით და მიზანშეწონილად

მისი მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები.

აზრი გამოთქვეს: მ. ქარდავა - გამომსვლელი დაინტერესდა, თუ როგორ მოხდებოდა მეწარმის მიერ გარე ვაჭრობის უფლების მოპოვება.

დ. ბერაია - განმარტა, რომ გარე ვაჭრობის უფლება შეიძლება მიეცეს მხოლოდ ფიზიკურ ან/და კერძო სამართლის იურიდიულ პირს ან პირთა გაერთიანებას. გარე ვაჭრობის უფლების გადაცემა შეიძლება მოხდეს პირდაპირი განკარგვის წესით, მუნიციპალიტეტის მერის გადაწყვეტილებით, საკრებულოს თანხმობის საფუძველზე. გარე ვაჭრობის უფლების მინიჭების თაობაზე ხობის მუნიციპალიტეტის მერი გამოსცემს ბრძანებას, წინამდებარე წესის შესაბამისად. გარე ვაჭრობისათვის განსაზღვრულ ადგილზე გარე ვაჭრობის უფლების მოპოვებისათვის დაინტერესებული პირი განცხადებით მიმართავს ხობის მუნიციპალიტეტის მერს.

მ. ქარდავა - გამომსვლელის განცხადებით, მართალია გარე ვაჭრობა ქალაქის ტერიტორიაზე მოსაწესრიგებელია, მაგრამ სანამ გლეხი ამდენ პროცედურას გაივლის, ვაჭრობის ნებართვის მისაღებად, შეიძლება საქონელი გაუფუჭდეს. მისი განცხადებით აუცილებელია, ამ პროცედურის გამარტივება.

მოისმინეს: ვ. ქანთარია - მომხსენებელმა ბიუროს წევრებს გააცნო განკარგულების პროექტები „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული ქონების სარგებლობის (უზუფრუქტის) უფლებით გადაცემაზე თანხმობის მიცემის შესახებ“ და „ხობის მუნიციპალიტეტის მერისთვის მუნიციპალიტეტის საკუთრებაში არსებული მირითადი ქონების სარგებლობის უფლებით გადაცემაზე თანხმობის მიცემის შესახებ“ და კომისიის დასკვნები წარმოდგენილ პროექტებთან დაკავშირებით (ოქმს თან ერთვის): 1) წარმოდგენილი განკარგულების პროექტით მუნიციპალიტეტის მერია შემოდის წინადადებით მიეცეს მერს თანხმობა შპს „ხობის მუნიციპალიტეტის წყალმომარაგებას“ საოფისე საქმიანობისათვის სარგებლობის უფლებით, უსასყიდლო უზუფრუქტის წესით გადაეცეს ქ. ხობში ცოტნე დადიანის ქ. N202-ში მდებარე შენობის მე-2 სართულზე არსებული 46 კვ.მ ფართი. გამომსვლელის განცხადებით, კომისიის მიერ განხილულ იქნა წარმოდგენილი განკარგულების პროექტი, რომელშიც მერიის ეკონომიკური განვითარებისა და ქონების მართვის სამსახურთან შეთანხმებით შეტანილ იქნა გარკვეული შესწორებები, კერძოდ: а) განკარგულების სათაური ჩამოყალიბდა შემდეგი

რედაქციით: „ხობის მუნიციპალიტეტის მერისთვის ხობის მუნიციპალიტეტის საკუთრებაში არსებული დამატებითი ქონების სარგებლობის (უსასყიდლო უზუფრუქტის) უფლებით გადაცემაზე თანხმობის მიცემის შესახებ“; ბ) განკარგულების პრეამბულა ჩამოყალიბდა შემდეგი რედაქციით: „საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი ნაწილის „დ“ პუნქტის „დ.დ“ ქვეპუნქტის, 122-ე მუხლის პირველი პუნქტის „ბ“ ქვეპუნქტის, მე-4, მე-5, მე-6 პუნქტების შესაბამისად.“; გ) განკარგულების პირველი პუნქტი ჩამოყალიბდეს შემდეგი რედაქციით: „1. მიეცეს თანხმობა ხობის მუნიციპალიტეტის მერს, ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით, უსასყიდლო უზუფრუქტის ფორმით, არსებობის ვადით გადაცემაზე, თანხმად დანართისა.“; დ) გარკვეული კორექტივები იქნა შეტანილი განკარგულების დანართშიც. კომისიას მიზანშეწონილად მიაჩნია ზემო აღნიშნული ცვლილებების გათვალისწინებით მიღებულ იქნეს განკარგულების პროექტი საკრებულოს სხდომაზე. 2) წარმოდგენილი განკარგულების პროექტით ხობის მუნიციპალიტეტის მერიის წინადადების საფუძველზე მუნიციპალიტეტის დამატებითი ქონება ხეთის, თორსა-დღვაბისა და ქვემო ქვალონის ჭითაუშვილის წყალსადენი სისტემები მოსახლეობის წყლით უზრუნველყოფის მიზნით, სარგებლობის უფლებით, არსებობის ვადით, თხოვების ფორმით გადაცემა მუნიციპალიტეტის მიერ დაფუძნებულ შპს „ხობის მუნიციპალიტეტის წყალმომარაგებას“. გამომსვლელის განცხადებთ, კომისიის მიერ განხილულ იქნა წარმოდგენილი განკარგულების პროექტი, რომელშიც მერიის ეკონომიკური განვითარებისა და ქონების მართვის სამსახურთან შეთანხმებით შეტანილ იქნა გარკვეული შესწორებები, კერძოდ: ა) განკარგულების სათაური ჩამოყალიბდა შემდეგი რედაქციით: „ხობის მუნიციპალიტეტის მერისთვის მუნიციპალიტეტის საკუთრებაში არსებული დამატებითი ქონების სარგებლობის (თხოვების) უფლებით გადაცემაზე თანხმობის მიცემის შესახებ“; ბ) განკარგულების პირველი პუნქტი ჩამოყალიბდეს შემდეგი რედაქციით: „მიეცეს თანხმობა ხობის მუნიციპალიტეტის მერს, ხობის მუნიციპალიტეტის საკუთრებაში არსებული დამატებითი ქონების სარგებლობის უფლებით, თხოვების ფორმით, გადაცემაზე, თანახმად დანართისა.“; გ) გარკვეული კორექტივები იქნა შეტანილი განკარგულების დანართშიც. კომისიას მიზანშეწონილად მიაჩნია ზემო აღნიშნული ცვლილებების გათვალისწინებით პროექტი გატანილ იქნეს საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი - არც ერთი

დაადგინეს: წარმოდგენილი პროექტები შეტანილ იქნეს საკრებულოს სხდომის დღის წესრიგში

3. ხობის მუნიციპალიტეტის მერის გ. ქაჯაიას 2018 წლის 21 მაისის N04/2362 წერილის განხილვა („ხობის მუნიციპალიტეტის 2018 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის №67 დადგენილებაში ცვლილების შეტანის თაობაზე“ დადგენილების პროექტის შესახებ);

(მომხსენებელი: ტ. ალექსანდრია - ხობის მუნიციპალიტეტის საკრებულოს საფინანსო
- საბიუჯეტო კომისიის თავმჯდომარე);

მოისმინეს: ტ. ალექსანდრია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის 2018 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის №67 დადგენილებაში ცვლილების შეტანის თაობაზე“ და კომისიის დასკვნა (ოქმს თან ერთვის) და აღნიშნა, რომ დადგენილების პროექტით მუნიციპალიტეტის ბიუჯეტში ხორციელდება შემდეგი სახის ცვლილება: 2018 წლის პირველი იანვრის მდგომარეობით არსებული ნაშთიდან ხდება 225,5 ათასი ლარის ასახვა ადგილობრივ ბიუჯეტში. ასევე გადიდა ბიუჯეტში შემოსავლები „გრანტები“-დან (საქართველოს რეგიონებში განსახორციელებელი პროექტების ფონდიდან) 110,0 ათასი ლარით და მიიმართა პრიორიტეტის - „ინფრასტრუქტურის მშენებლობის, რეაბილიტაციისა და ექსპლოატაციის“ მუხლის „არაფინანსური აქტივების ზრდის“ ასიგნებაზე. მცირდება ხობის მუნიციპალიტეტის ადგილობრივი ბიუჯეტის ხარჯები 15,8 ათასი ლარით, კერძოდ: პრიორიტეტის „ინფრასტრუქტურის მშენებლობა, რეაბილიტაცია და ექსპლოატაცია“ ასიგნებები. გამონთავისუფლებული და ნაშთის 241,6 ათასი ლარი მიიმართება შემდეგი ღონისძიებების დასაფინასებლად: 214,2 ათასი ლარი - პრიორიტეტის „ინფრასტრუქტურის მშენებლობა, რეაბილიტაცია და ექსპლუატაციის“ ასიგნებებზე; 27,0 ათასი ლარი - „წინა წლებში წარმოქმნილი ვალდებულებების დაფარვის ფონდი“ ასიგნებაზე; 0,4 ათასი ლარი - პრიორიტეტის „მოსახლეობის ჯანმრთელობისა

დაცვა და სოციალური უზრუნველყოფა“ ასიგნებაზე. „ხობის მუნიციპალიტეტის ადგილობრივი ბიუჯეტით გამოყოფილი ასიგნების გადანაწილების წესის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის N68 დადგენილების შესაბამისად ხობის მუნიციპალიტეტის 2018 წლის დამტკიცებულ ბიუჯეტში ხობის მუნიციპალიტეტის მერის ბრძანებებით მხარჯავი დაწესებულებებისათვის ადგილობრივ ბიუჯეტით გამოყოფილ ასიგნებებში ეკონომიკური კლასიფიკაციის მუხლებს შორის განხორციელებულია სხვადასხვა გადანაწილებები. ბიუჯეტის მთლიანი მოცულობა, შემოსულობების გეგმა შეადგინს 10779,9 ათას ლარი. გამომსვლელის განცხადებით, პროექტი მომზადებულია კანონის მოთხოვნათა გათვალისწინებით, სერიოზული ხასიათის შენიშვნები არ გააჩნია და კომისიას მიზანშეწონილად მიაჩნია პროექტის წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

4. ხობის მუნიციპალიტეტის საკრებულოს საპროცედურო საკითხთა კომისიის თავმჯდომარის თ. გელანტიას 2018 წლის 21 მაისის N52/01 განცხადების განხილვა („ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის შემადგენლობის დამტკიცების შესახებ“ ხობის მუნიციპალიტეტის საკრებულოს 2017 წლის 18 დეკემბრის N78 განკარგულებაში ცვლილების შეტანის თაობაზე“ განკარგულების პროექტის შესახებ);

(მომხსენებელი: თ. გელანტია - ხობის მუნიციპალიტეტის საკრებულოს საპროცედურო საკითხთა კომისიის თავმჯდომარე;

სხდომის თავმჯდომარემ განაცხადა, რომ საკრებულოს საპროცედურო საკითხთა კომისიის თავმჯდომარის თ. გელანტიას საავადმყოფო ფურცელზე ყოფნის გამო,

განკარგულების პროექტს წარმოადგენს საკრებულოს იურიდიულ საკითხთა კომისიის თავმჯდომარე დ. ბერაია.

მოისმინეს: დ. ბერაია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის შემადგენლობის დამტკიცების შესახებ“ ხობის მუნიციპალიტეტის საკრებულოს 2017 წლის 18 დეკემბრის N78 განკარგულებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და განაცხადა, რომ საკრებულოში შემოვიდა საკრებულოს წევრის მამუკა ჭოხონელიძის განცხადება საკრებულოს ქონების მართვისა და ინფრასტრუქტურის კომისიიდან გამოსვლის თაობაზე. კომისიის მიერ აღნიშნული განცხადების საფუძველზე მომზადდა განკარგულების პროექტი „ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის შემადგენლობის დამტკიცების შესახებ“ ხობის მუნიციპალიტეტის საკრებულოს 2017 წლის 18 დეკემბრის N78 განკარგულებაში ცვლილების შეტანის თაობაზე“, რომლის საფუძველზეც მ. ჭოხონელიძე გამოყვანილ იქნა მის მიერ მოთხოვნილი კომისიის შემადგენლობიდან. გამომსვლელის განცხადებით, განკარგულების პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი – არც ერთი

დაადგინეს: წარმოდგენილი პროექტი შეტანილ იქნეს საკრებულოს სხდომის დღის წესრიგში

5. ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარის ტ. ალექსანდრიას 2018 წლის 23 მაისის N53/01 განცხადების განხილვა („საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“ განკარგულების პროექტის შესახებ);

(მომხსენებელი: ტ. ალექსანდრია - ხობის მუნიციპალიტეტის საკრებულოს საფინანსო
- საბიუჯეტო კომისიის თავმჯდომარე);

მოისმინეს: ტ. ალექსანდრია - მომხსენებელმა ბიუროს წევრებს გააცნო განკარგულების პროექტი „საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის №81 განკარგულებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ „საწვავისა და სატელეფონო მომსახურების ხარჯების ლიმიტის განსაზღვრის შესახებ“ ხობის მუნიციპალიტეტის საკრებულოს 2017 წლის 26 დეკემბრის N81 განკარგულებით საკრებულოსთვის ინტერნეტის ლიმიტი გათვალისწინებულია 5 ლარის ოდენობით. ფიჭური სატელეფონო მომსახურების 2018–2019 წლების კონსოლიდირებული ტენდერით გათვალიწინებული მომსახურების ფარგლებში ინტერნეტის მოცულობის მკვეთრი შემცირებისა და ღირებულების გაზრდის გამო, მიზანშეწონილად იქნა მიჩნეული საკრებულოსთვის ინტერნეტისთვის გათვალისწინებული თანხა გაიზარდოს 5 ლარის ოდენობით, საკრებულოსთვის განსაზღვრული ფიჭისირებული სატელეფონო მომსახურების ხარჯების ლიმიტიდან, საკრებულოს აპარატის უფროსისა და საკრებულოს აპარატის განყოფილების უფროსის ლიმიტის 10-10 ლარის ოდენობით შემცირების ხარჯზე. გამომსვლელის განსხვავებით, განკარგულების პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი – არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

6. ხობის მუნიციპალიტეტის მერის გ. ქაჯაიას 2018 წლის 28 მაისის N03/2472 წერილის განხილვა:

- „ხობის მუნიციპალიტეტის გერბის და დროშის დამტკიცების შესახებ“ ხობის მუნიციპალიტეტის საკრებულოს 2010 წლის 20 დეკემბრის №17 დადგენილებაში ცვლილების შეტანის თაობაზე“ დადგენილების პროექტის შესახებ;

- „ქალაქ ხობში სასაფლაოების მოწყობისა და მოვლა-პატრონობის წესის დამტკიცების შესახებ“ ხობის მუნიციპალიტეტის საკრებულოს 2015 წლის 29 ივნისის №21 დადგენილებაში ცვლილების შეტანის თაობაზე“ დადგენილების პროექტის შესახებ;
 - „ხობის მუნიციპალიტეტში უმწეოთა სასადილოში ბენეფიციარების შერჩევის წესის დამტკიცების შესახებ“ ხობის მუნიციპალიტეტის საკრებულოს 2015 წლის 25 თებერვლის №10 დადგენილებაში ცვლილების შეტანის თაობაზე“ დადგენილების პროექტის შესახებ;
- (მომხსენებელი: დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე);

მოისმინეს: დ. ბერაია - მომხსენებელმა ბიუროს წევრებს გააცნო დადგენილების პროექტები

- 1) „ხობის მუნიციპალიტეტის გერბის და დროშის დამტკიცების შესახებ“ ხობის მუნიციპალიტეტის საკრებულოს 2010 წლის 20 დეკემბრის №17 დადგენილებაში ცვლილების შეტანის თაობაზე“;
- 2) „ქალაქ ხობში სასაფლაოების მოწყობისა და მოვლა-პატრონობის წესის დამტკიცების შესახებ“ ხობის მუნიციპალიტეტის საკრებულოს 2015 წლის 29 ივნისის №21 დადგენილებაში ცვლილების შეტანის თაობაზე“;
- 3) „ხობის მუნიციპალიტეტში უმწეოთა სასადილოში ბენეფიციარების შერჩევის წესის დამტკიცების შესახებ“ ხობის მუნიციპალიტეტის საკრებულოს 2015 წლის 25 თებერვლის №10 დადგენილებაში ცვლილების შეტანის თაობაზე“ და კომისიის ერთიანი დასკვნა წარმოდგენილ პროექტებთან დაკავშირებით (ოქმს თან ერთვის) და აღნიშნა, რომ „საქართველოს ორგანულ კანონში „ადგილობრივი თვითმმართველობის კოდექსი“ ცვლილების შეტანის შესახებ“ საქართველოს 2017 წლის 26 ივლისის N1251-ს ორგანული კანონით გათვალისწინებულმა ცვლილებამ განაპირობა ხობის მუნიციპალიტეტის საკრებულოს ზოგიერთ დადგენილებებში ცვლილებების განხორციელების აუცილებლობა, რაც ითვალისწინებს ადგილობრივი თვითმმართველობის აღმასრულებელი ორგანოს და მისდამი დაქვემდებარებული დაწესებულების სახელწოდების ცვლილებას, კერძოდ: „მერია“ - ნაცვლად „გამგეობისა“ და „მერი“ - ნაცვლად „გამგებლისა“. ზემოთ აღნიშნული გარემოების გათვალისწინებით ხობის მუნიციპალიტეტის მერიის მიერ, წარმოდგენილ იქნა დადგენილებების პროექტები: ზემო აღნიშნული დადგენილების პროექტები. გამომსვლელის განცხადებით, პროექტები მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია მათი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი – არც ერთი

დაადგინეს: წარმოდგენილი პროექტები შეტანილ იქნეს საკრებულოს სხდომის დღის წესრიგში

7. ხობის მუნიციპალიტეტის მერის გ. ქაჯაიას 2018 წლის 29 მაისის N09/2487 წერილის განხილვა („ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2018 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის N82 განკარგულებაში ცვლილების შეტანის შესახებ“ განკარგულების პროექტის თაობაზე).

(მომხსენებელი: დ. გაბუნია - ხობის მუნიციპალიტეტის საკრებულოს განათლების, კულტურისა და სოციალურ საკითხთა კომისიის თავმჯდომარე)

მოისმინეს: დ. ბერაია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2018 წლის მუნიციპალური პროგრამის დამტკიცების შესახებ“ ხობის მუნიციპალიტეტის საკრებულოს 2017 წლის 26 დეკემბრის N82 განკარგულებაში ცვლილების შეტანის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, ხობის მუნიციპალიტეტის სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის 2018 წლის მუნიციპალური პროგრამის „C“ ჰეპატიტით დაავადებულთათვის საჭირო გამოკვლევის დაფინანსების“ მუხლში გამოყოფილი თანხა 15000 ლარი 28 მაისის მდგომარეობით ამოწურულ იქნა. ამ ეტაპზეც არაერთი განცხადებაა შესული მერიაში „C“ ჰეპატიტზე გამოკვლევის დაფინანსების თაობაზე. ზემო აღნიშნულის გათვალისწინებით სოციალურ პროგრამაში არსებული ეკონომიკიდან, კერძოდ: „ოჯახში ძალადობის მსხვერპლთა ერთჯერადი დახმარების“ მუხლიდან 900 ლარი, „შშმ პირთა მაღალტექნოლოგიური გამოკვლევების დაფინანსების“ მუხლიდან 2400

ლარი, „ახალშობილთა ოჯახებისთვის დახმარების“ მუხლიდან 4100 ლარი და „უსახლკაროთა ბინის ქირის“ მუხლიდან 1600 ლარი, ჯამში 9000 ლარი წარმოდგენილი პროექტით გადატანილია „C“ ჰეპატიტით დაავადებულთათვის საჭირო გამოკვლევის დაფინანსების“ მუხლში. გამომსვლელის განცხადებით, წარმოდგენილი განკარგულების პროექტი მომზადებულია კანონის მოთხოვნათა გათვალისწინებით და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 9, წინააღმდეგი - არც ერთი

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ სხდომა დახურულად გამოცხადდა.

სხდომის თავმჯდომარე

ედიშერი ჯობავა

